

LAPORAN PEMERHATIAN

Pihak Tindak Malaysia (nama rasmi “TindakMalaysia Network Services PLT”), salah satu badan bukan kerajaan yang memberi tumpuan kepada pembaharuan sistem pilihan raya, baru - baru ini mengambil bahagian dalam proses pemerhatian Pilihan Raya Kecil DUN Ayer Kuning. Kerja Pemerhati ini merupakan kali kelima belas dalam sejarah Tindak Malaysia, sejak penubuhannya pada tahun 2008. Pihak kami memerhati proses pengundian pada Hari Penamaan Calon, Hari Undi Pos (Pengeluaran, Pembukaan dan Pengiraan), dan Hari Undi Biasa (Pengundian). Berikut adalah maklumat - maklumat ringkas mengenai proses pemerhatian dari pihak Tindak Malaysia.

PASUKAN

Pihak Tindak Malaysia hantar seorang Pemerhati (Fang Hau Lim) yang mempunyai pengalaman dalam bidang Penjalanan Pilihan Raya/ Pemerhati. Pemerhati kami mempunyai pengalaman berkhidmat sebagai Ejen Tempat Mengundi/ Ejen Mengira Undi (PACA atau ETM/EMU), Pemerhati dan Petugas Pilihan Raya

Fokus kami untuk Program Pemerhati Pilihan Raya Kecil Ayer Kuning ialah:

- 1) Penamaan Calon
- 2) Undi Pos
- 3) Undi Biasa
- 4) Pembukaan dan Pengiraan Undi Pos
- 5) Penjumlahan Undi Rasmi (*tiada keterangan lanjut)

Berikut adalah sekolah - sekolah yang diperhati oleh pasukan kami untuk Hari Undi Biasa:

- 1) Sekolah Rendah Kebangsaan Ayer Kuning
- 2) Sekolah Agama Rakyat Salariah
- 3) Sekolah Kebangsaan Sungai Lesong

CIRI PEMERHATIAN 1: SEBELUM HARI PENGUNDIAN

Pemerhatian Positif

1. SPR telah membuat tindakan betul untuk DM Kampong Simpang Tiga dengan membuka pusat mengundi kedua untuk PRU15. Situasi ini telah dikekalkan untuk PRK Ayer Kuning.

Pemerhatian Negatif

1. Lokalti Jalan Chew Hoot (072/48/17 KAMPONG SIMPANG TIGA) dijumpai di sebelah DUN Sungkai (Tanjong Malim).
2. Beberapa daerah mengundi DUN Ayer Kuning tidak mempunyai pusat mengundi di dalamnya. Daerah Mengundi Sungai Lesong dan Kampong Sungai Kurong berkongsi pusat mengundi - SK Lesong. Daerah Mengundi Banir dan Banir Utara berkongsi pusat mengundi - SJK (C) Hwa Lian

CIRI PEMERHATIAN 2: PENAMAAN CALON

Pemerhatian Positif

1. Semasa pemerhatian secara atas talian, terdapat kejadian gangguan kecil bekalan elektrik. Tenaga Nasional telah menyediakan generator dan proses penamaan calon berjalan dengan lancar.
2. SPR telah menerapkan beberapa proses digitalisasi bagi mempercepatkan proses penamaan calon. Ini telah menyumbang kepada waktu yang singkat dalam mengumumkan calon pilihan raya.

Pemerhatian Negatif

1. Tiada

CIRI PEMERHATIAN 3: PENGELUARAN UNDI POS

Pemerhatian Positif

1. Proses pengeluaran undi pos berjalan dengan lancar oleh penolong pegawai pengurus dan petugas-petugas undi pos.

Pemerhatian Negatif

1. Tiada

CIRI PEMERHATIAN 4: HARI PENGUNDIAN BIASA

Pemerhatian Positif

1. Terdapat kemudahan kerusi berdekatan dengan saluran 1 bagi memudahkan pengundi warga tua.

2. Jarak dari pintu masuk pusat mengundi ke saluran pengundian adalah dekat dan tiada keperluan menggunakan kenderaan kecil untuk menghantar pengundi.

Pemerhatian Negatif

1. Salah satu pusat mengundi di Sekolah Rendah Kebangsaan Ayer Kuning mempunyai 2 saluran mengundi yang padat dengan pengundi. Saluran 1 dan 2 mempunyai 450 pengundi manakala saluran 3 mempunyai 700 pengundi dan saluran 4 mempunyai 721 pengundi. Saluran yang mempunyai terlalu ramai pengundi memberi gambaran yang tidak seimbang secara purata pengundi di pusat pengundi.
2. Terdapat satu pelanggaran peraturan pilihan raya oleh Ketua Tempat Mengundi (KTM) di Sekolah Rendah Kebangsaan Ayer Kuning (Saluran 2). KTM telah membenarkan pertukaran Ejen Tempat Mengundi (ETM) 5 minit sebelum 10 pagi iaitu 9.55 pagi. Menurut peraturan pilihan raya, pertukaran hanya dibenarkan pada pukul 10 pagi atau ETM telah bertugas sekurang-kurangnya 2 jam.

CIRI PEMERHATIAN 5: PENGIRAAN UNDI POS (TERMASUK PEMBUKAAN UNDI POS)

Pemerhatian Positif

1. Proses pembukaan sampul undi pos dan proses pengiraan berjalan dengan lancar di bawah kehadiran Ejen Undi Pos dan Pemerhati Pilihan Raya.
2. Di luar Bilik Gerakan undi pos, terdapat senarai petugas dan dalam senarai terdapat nota yang mengatakan peti undi pos yang di ambil dari lokap polis dan di hantar ke lokap polis perlu ada eskot polis. Ini menunjukkan tahap keselamatan dan integriti proses undi pos adalah tinggi.

Pemerhatian Negatif

1. Tiada

CADANGAN - CADANGAN UNTUK SPR

1. SPR harus memastikan sesuatu saluran pengundian mempunyai bilangan pengundi yang munasabah dan tidak terlalu banyak.
2. SPR harus memastikan setiap daerah mengundi mempunyai pusat mengundi di dalamnya dan pusat mengundi tidak dikongsi dengan dua atau lebih daerah mengundi.
3. Ketua Tempat Mengundi harus diberi latihan sekurang-kurangnya 2 kali sebelum bertugas. Dalam latihan atau taklimat, penekanan harus diberikan mengenai pentingnya mematuhi peraturan perjalanan pilihan raya.

4. Pemerhati perlu diberikan peluang untuk memerhati proses latihan/taklimat SPR kepada bakal-bakal Petugas.
5. Pengeluaran keputusan Helaian Mata (tidak rasmi) melalui laman web SPR (seperti mana dilaksanakan pada tahun 2018, 2019 dan 2020). FB 'live' untuk paparan keputusan tidak merangkumi semua saluran.

SEKIAN, TERIMA KASIH

MAKLUMAT OLEH:

FANG HAU LIM

PEMERHATI AYER KUNING

TINDAK MALAYSIA

DISUNTING OLEH:

DANESH PRAKASH CHACKO

PENGARAH

TINDAK MALAYSIA

3.5.2025

LAMPIRAN

Gambar - Gambar mengenai Program Pemerhati

Foto 1: Saluran-saluran pusat mengundi di Sekolah Rendah Kebangsaan Ayer Kuning.



Foto 2: Barung SPR di Sekolah Agama Rakyat Salamiah.



Foto 3: Barung SPR di Sekolah Kebangsaan Sungai Lesong.



Foto 4: Notis dan maklumat di luar Bilik Gerakan undi pos.




Foto 5: Persediaan oleh petugas undi pos sebelum proses pembukaan sampul B undi pos.




Foto 6: Dewan Merdeka, Tapah, pusat penjumlahan undi rasmi untuk pilihan raya kecil Ayer Kuning.



Foto 7: Keputusan rasmi pilihan raya kecil Ayer Kuning yang diumumkan di luar dewan untuk mengelakkan kesesakan dalam dewan.

PENJUMLAHAN RASMI
A KECIL DEWAN NEGERI N. 48 AYER KUNING
26 APRIL 2025 (SABTU)

KEPUTUSAN RASMI
PILIHAN RAYA KECIL DEWAN NEGERI N.48 AYER KUNING, PERAK
N.48 AYER KUNING, PERAK

NAMA CALON	PARTI	BIL. UNDI	STATUS
USTAZ YUSRI BAKIR	BN	11,065	MENANG
AZ MUHAMIN	PN	6,059	
ANIKS	PSM	1,106	

JUMLAH UNDIAN OLEH PEMILIH : 18,230
JUMLAH KERTAS UNDI DITOLAK : 289
JUMLAH KERTAS UNDI TIDAK DIKEMBALIKAN : 3
MAJORITI : 5,006
PERATUS PENGUNDIAN : 58.07 %

